

Broj: 03-02-1043/2023
Sarajevo, 20.10.2023. godine

**PARLAMENT FEDERACIJE
BOSNE I HERCEGOVINE**

- Predstavnički dom -
gđa Mirjana Marinković - Lepić, predsjedavajuća

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 23-10-2023

Org. jed.	Broj	Priloga	Vrijednos
01-	02-	2266	23

PREDMET: Veza Vaš akt broj 01-02-2266/23 od 12.09.2023. godine

Poštovana,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa odredbama čl. 165. i 172. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH”, br. 69/07, 2/08 i 26/20), u prilogu Vam dostavljam **Mišljenje o Prijedlogu zakona o izmjeni Zakona o doprinosima, kojeg su po skraćenom postupku predložili Admir Čavalić i Haris Silajdžić, poslanici u Predstavničkom domu Parlamenta Federacije BiH**, a koje je Vlada Federacije Bosne i Hercegovine utvrdila na 17. sjednici, održanoj 20.10.2023. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

**Co: Federalno ministarstvo finansija-
Federalno ministarstvo financija
gosp. Toni Kraljević, ministar**

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama čl. 165. i 172. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20), nakon razmatranja Prijedloga zakona o izmjeni Zakona o doprinosima, kojeg su po skraćenom postupku predložili Admir Čavalić i Haris Silajdžić, poslanici u Predstavničkom domu Parlamenta Federacije BiH, Vlada Federacije Bosne i Hercegovine je na 17. sjednici, održanoj 20.10.2023. godine utvrdila

MIŠLJENJE

Prijedlog zakona o izmjeni Zakona o doprinosima, koji se odnosi na brisanje člana 10a. Zakona o doprinosima, se ne prihvata.

Obrazloženje:

Članom 10a. Zakona o doprinosima ("Službene novine Federacije BiH", br. 35/98, 54/00, 16/01, 37/01, 1/02, 17/06, 14/08, 91/15, 104/16, 34/18, 99/19, 4/21 i 6/23), propisane su stope doprinosa: 4,00% za zdravstveno osiguranje - iz osnovice i 6,00% za penzijsko i invalidsko osiguranje - na osnovicu, za sva primanja koja imaju karakter primanja od drugih vrsta samostalne djelatnosti i povremenog nesamostalnog rada (u koja između ostalih spadaju primanja po ugovoru o djelu, ugovoru o autorskom djelu, ugovoru o povremenim i privremenim poslovima, od članstva u predstavničkim organima vlasti, ako to primanje nije iz osnova radnog odnosa, na osnovu članstva u skupštini, nadzornom odboru privrednog društva, člana upravnog odbora, upravnog vijeća i drugih njima odgovarajućih tijela drugih pravnih lica, člana komisije i odbora tih tijela, stečajnog upravnika i sudije porotnika, koji nema svojstvo zaposlenika na sudu, primanja za povremene djelatnosti naučnika, umjetnika, stručnjaka, novinara, sudskih vještaka, trgovačkih putnika, akvizitera, sportskih sudija i delegata i sl.). U nadležnosti Federalnog ministarstva finansija je propisivanje osnovica, stopa i vrste doprinosa za obavezna osiguranja. Propisima o zdravstvenom osiguranju i penzijskom i invalidskom osiguranju regulira se ko su osigurana lica kao i obim prava iz obaveznog zdravstvenog osiguranja i obaveznog penzijskog i invalidskog osiguranja. Pravo na zdravstveno osiguranje u skladu sa Zakonom o zdravstvenom osiguranju, kao i pravo iz osnova uplaćenog doprinosa za penzijsko i invalidsko osiguranje (penzijska osnovica) u skladu sa Zakonom o penzijskom i invalidskom osiguranju crpi se, isključivo, na osnovu uplate doprinosa po stopama kao i za primanja koja imaju karakter plaće, i to za zdravstveno osiguranje (16,50%), odnosno za penzijsko i invalidsko osiguranje (23,00%) ili ukoliko je lice osigurano u skladu sa posebnim zakonima.

Ukidanje obaveze plaćanja na navedena primanja (u koja između ostalih spadaju i ugovori o djelu i drugi slični angažmani, koji se nerijetko zaključuju u cilju izbjegavanja zaključivanja ugovora o radu i samim tim izbjegavanju plaćanja doprinosa za obavezna osiguranja) zasigurno bi značilo poticanje sive ekonomije te bi ova izmjena izazvala promjene na tržištu rada te bi posljedično ugrozila vanbudžetske fondove. S tim u vezi, ukazujemo da i u zemljama u okruženju nije propisano oslobađanje od plaćanja doprinosa na predmetna primanja. Također, dodatno ukazujemo da bi predložene izmjene i dopune zakona, bez donošenja sistemskog novog zakonskog rješenja iz oblasti doprinosa, ugrozile održivosti vanbudžetskih fondova. Zakonom o penzijskom i invalidskom osiguranju regulirano je da i ova primanja ulaze u penzijsku osnovicu (ukoliko su plaćeni doprinosi po istim stopama kao za plaću) i neophodno je, paralelno sa novim zakonskim rješenjem u vezi sa plaćanjem doprinosa izvršiti izmjenu propisa o zdravstvenom osiguranju, kojim bi se regulirala prava iz osnova uplaćenog doprinosa za zdravstveno osiguranje. Imajući u vidu naprijed navedeno, svjesni važnosti rješavanja ovog pitanja, kao i obzirom da se intenzivno radi na pripremi novog Zakona o doprinosima, reguliranje obaveze doprinosa na predmetna primanja bit će najefikasnije regulirati novim Zakonom uz paralelnu izmjenu propisa o zdravstvenom osiguranju.

V. broj: 1495/2023
20.10.2023. godine
Sarajevo

